

隨園詩草

一
玉
四
冊
函

隨園詩草卷之三

任邱邊連寶肇吟

戲題

生平作文字惝恍不可知當其不能作重視此毛
錐勢如千鈞杵難得蹙把持檢點枵腹內墨瀋無
毫釐及其一旦作汨汨頗怪竒蠶繭大如甕令我
繰其絲愈繰愈益有刀斧不能揮或作千言駛得
意書纍纍一字偶詰屈十日費敲推夜睫光炯灼
晝目生膜眇形神兩寂寞兀坐如枯龜以茲費時

日精力爲疲羸坐久傷我肉思深傷我脾頗思欲
罷去其奈相攀追遣之不受遣麾之不可麾恍惚
有鬼物抵死苦纏徽因知天地間合有此文詞特
借我手腕爲渠抒寫之造物具大力于物無不摧
矧余虱蟻輩那敢故拗違奉命鑄寶劍可殺子與
妻我今被束縛安惜性命爲竭蹶以効死于載或
與期

代書答芥舟

昨者我下第慷慨悲填胃當筵情激切泪下何淙

滌此事誰所說流傳入君聰貽書相慰藉字字披
我衷謂言隨園子夙稱能固窮不應以一第而與
俗雷同君悲非無謂惟我能相通應以家貧故有
母之尸饔在昔有毛義亦復有茅容毛義捧檄喜
洋洋顏色充茅容甘家食雞黍但自供毛義不可
爲爲在有遭逢茅容可自爲竭力由我躬可爲不
可問子今將奚從長跪讀君書君書發我蒙昔者
尹煇母見稱伊川翁但聞子能養不聞以鼎鐘小
人今有母庶幾古人風謂我爾先子本以藜藿終

今我雖已老衣食頗稍豐
益有隔宿糧不至屢匱
空桁上有衣襦何必窮
女紅况爾等兄弟絕鮮
閱墻凶區區頗自好
不受衆辱攻有婦俱賢
達竊比光配鴻曾無勃
谿聲聒我老耳聾如此
亦可念何必爲素封
我聞我母語中心樂融
融敬緘報我友庶以明
吾悰

張生夢母詩

生香河人
名大任

張生夢母事頗奇爲作夢母張生詩
張生之生未週晬因然墮地喪厥慈
阿母生平多善狀但能問

向旁人知短長肥瘠與黔皙耳目鼻口臃腮頤縱
于親戚得髣髴形貌粗是神終非丁蘭雕像坐自
困臯魚泣血空酸嘶日復一日不稍釋精誠盈憤
通高卑武林精舍鐘未動夢中的的親容儀哀慕
未終幽冥隔空中膈膊西泠雞疎櫺惟見月皎皎
靜院但聞風颼颼敬述巔末兼寫照夤緣誣諉句
一辭事竒理庸無可議獨于一事不無疑生獨不
聞管子曰思之思之重思之思之思之不得鬼神助匪
神鬼助思無遺先聖羹墻見堯舜又于琴瑟識黑

願自是精氣能感召西方枯骨何能爲作詩付君

須檢點異說惑衆應芟夷

記中云某年月宿武林禪寺夢中見一神人如

大士狀者引其母見之

家信

母老踰八旬女病淹牀蓐別來已月餘音問限川
陸邇來都擺脫惟仰事俯育時時綴我心爲其係
天屬屑屑命荆妻瑣瑣具旨蓄苞苴貯筐篚遣問
專僮僕刻期冀來音不過三兩宿如何久滯淫故
亂我心曲日夜不自寧輾轉如輪轂向晚去役回

手持紙數幅心轉難安恬
搖颺風中燾見署字平
安怔忡稍稍伏開緘且畧觀
已復再四讀眠食母
近佳喘嗽女稍縮持以示荆妻
歡喜動眉目人心
苦不足得隴更望蜀前冀既已償
後願轉難卜向
所擺脫者一一還振觸豈但思家人
兼思我家屋
一瓦將一椽一草兼一木歷歷在心
眼的的入瞻
矚庭前兩小柏一株病偏獨春來
竟何如得無近
樵牧有槐頗青葱雨過應如沐
安得席其下覆我
酒杯綠墻根薔薇叢花葉已簇簇
風雨苦離披誰

爲理莖束茅茨三四楹春盡泥當覆恐有雨漏痕
沾污我卷軸凡此瑣纖者縈繞不可逐外物尚爾
然奚論我骨肉安得數畝宅於焉聚家族安得數
頃田於焉營菽粟老死不出門俯仰饒饒粥晨夕
展嘲咏優游度臘伏儘可盡天年何必沾微祿

苦不贈汪幼湖

會稽山水清且道千巖競秀萬壑流四明天姥劉
天浮鑑湖耶溪環以周聞氣所鍾鬱蚘蟻篤生巖
鍾王謝傳爰有汪子殿後頭文章光彩擻斗牛臚

陳百氏肆羅搜淘汰洗滌後簸揉澄粕傾液智慧
竊多精宏物爲君哀光怪艷發炳且彪力挽既倒
式靡柔邇來文字殊謬悠狂瀾灩灩不可收蛇神
牛鬼雜骷髏千狀萬態窮雕鏤我欲拯之嘆無由
智淺力孱徒煩憂君獨廓清利鋤耨斬盡稂莠蓬
蒿萋一夫目豈識劣優應俟萬載與千秋賤子屏
棄渤澥陬荒村老屋日幽囚手持著作忽來投河
伯望洋爲嘆啾以游以泳沒且涸餉我已多無可
酬勉吟長句聲酸鄒用瓦礫報琅玕璆

河魴歌戲呈元敷五

東坡哆口誇河魴謂其一死亦頗直惟有江瑤與
荔枝神味差可與匹敵其餘珍錯空紛綸不數駝
封與熊白元子爲我特烹鮮我持匕箸不敢食恐
以口腹微小故誤中禍機不可測飯罷逍遙捫腹
歸夜夢藏神來我責自托君身守府藏韭菰藜莧
日充積胡茲美味不我嘗但貯酸醢甕三百我謂
神乃太貪囓以命餌味了不惜甘脆肥醲能腐渠
况茲腊毒難抉剔滋味之中鮮大年淡成甘壞孰

失得藏神笑我太區區我請爲君細覲析姒褒
驪施燕環不獨傾城兼傾國傾國傾城豈不知祇
爲佳人難再得茲殊與爾不相關請從日用稍撫
拾魚有刺兮肉有骨兩頭纖纖棗有核倒側鈎爬
梗塞間性命存亡在一息水可載舟亦覆舟用火
自焚由不戢錢傍雙戈利有刀六書要義君應識
人生日日食河鮑奈何受萬而辭一細思神語非
滑稽中心惕惕不自克明朝一笑語敷兄君若再
烹我當喫

陳立甫別號也援余既究其義樂其說之誕
而確也戲述其意而贈以詩

陳君字立甫別號曰也援余怪其險僻不可爲訓
勸立甫曰不然此殊非科諱於義不無取請得爲
君獻援所以援履履以援爲憲譬之人腹空援之
以五飯又如水滿河取援鼠之鼯吾曠觀六合勢
如一大圈其中不可空援以族之萬大而山衡霍
小而蟲蛾蠅無不援其中勢乃極鬱懣故人不復
拘崇卑與厲媯爲庖羲巢燧爲征誅揖遜茲特援

之大不以援外論上自公孤貴下至於屠販盡取
入援中於義無所遁此援亦乘除相續如滋蔓新
援漸以增舊援漸以褪我輩處其間雖効楔一寸
非不在援中也復聊相溷將來自乘除此理如操
券力盡隨飄梗兩大何恩怨我初聆其言滑稽如
方曼細思有妙理至地首爲頓如傾東海波滌我
曾塵全贈君以短什兼爲我撥悶殊未極詼嘲愧
我才思鈍

遊仙四首

龍鸞柔轡控杪羅百爾仙曹擁護過坐見虎頭持
絳節更教鳥爪奏雲和麟脩鳳脯人間少玉液瓊
漿天上多宴罷依然歸紫極茂陵蔓草奈君何
羨爾仙家服食殊身邊常佩嶽靈圖雲根出髓供
刀匕鳳嘴銜珠飾繡襦欲爲執鞭隨指使爭如學
道已桑榆九還丹液容吾乞一溉湯田定後枯
研汞磨鉛不計年一朝圓滿失蹄筌形如芻狗拋
塵世神馭茅龍上九天簫史妻孥同碧落劉安雞
犬亦雲烟芝田十萬憑耕耨聞道仙家不稅錢

撒手懸崖莫逗遛乾坤轉盼已浮漚扶桑樹老查
牙瘦滄海瀾低散漫流鴻鵠本來輕燕雀螻蛄原
自昧春秋昨朝曾見石公子爲道西王母白頭

乳燕

纔見黃初褪旋隨母離窠乍飛還乍跌教舞更教
歌下上迎風軟呢喃學語訛漸知掠碧草還怯蘸
清波啄小嫌泥重襟輕惹露多被欺方怒雀量力
亦捎蛾嗔姊先颺沼逢人欲避羅昭陽春殿裡從
此認婆婆

子牙釣臺

千古兩釣臺並峙乾坤裏
南北遙相望海濱與江
溪一爲鴻之漸一爲鷹之揚
鷹鴻兩不見江海空
茫茫我來海之濱海波浩呼
洶恍見鷹揚姿英風
爲振動階前屢跼蹐臺上還
徙倚極目渺烟波何
處桐江水

海曙

海色天容空復空
海天倒映兩青銅
天邊蓬勃雲
初散海上曛曛日
正東身世百年徙
泛梗波濤萬